

Ո Ր ՈՇ ՈՒ Մ

ԲՆԱԿԱՐԱՆԸ ՀԱՐԿԱԴԻՐ ԿՏԱՐԵԼՈՒ ՄԱՍԻՆ

12 ապրիլ 2024թ.

ք. Կապան

Հարկադիր կատարումն ապահովող ծառայության Սյունիքի մարզային բաժնի Կապան-Մեղրի տարածաշրջանի բաժանմունքի ավագ հարկադիր կատարող, արդարադատության ավագ լեյտենանտ Գևորգ Գրիգորյանս ուսումնասիրելով վերսկսված թիվ 07704706 և թիվ 07704590 կատարողական վարույթների նյութերը

Պ Ա Ր Զ Ե Ց Ի

Սյունիքի մարզի ընդհանուր իրավասության դատարանի կողմից 02.06.2021թ. տրված թիվ ՍԴ/1231/02/20 կատարողական թերթի համաձայն պետք է՝ Բաբկեն Առնոլդի Համբարձումյանից «Հայրիզնեսբանկ» ՓԲԸ-ի օգտին բռնագանձել 6.468.459 ՀՀ դրամ և հաշվեգրվող տոկոսներ: Բռնագանձումը տարածել երրորդ անձ՝ Նոնա Առնոլդի Համբարձումյանին պատկանող անշարժ գույքի գրավի թիվ G18-026427 պայմանագրով գրավադրված՝ ՀՀ Սյունիքի մարզի Գորիս քաղաքի Մաշտոցի փողոց թիվ 26 բնակելի տան /287.7քմ մակերեսով և 0.0468 հա հողամաս/ վրա, այն չբավարարելու պարագայում՝ պատասխանող Բաբկեն Առնոլդի Համբարձումյանին պատկանող այլ գույքի վրա:

26.05.2022թ. ՀՀ Սյունիքի մարզի Գորիս քաղաքի Մաշտոցի փողոց թիվ 26 բնակելի տունը /287.7քմ մակերես և 0.0468 հա հողամաս/ հարկադիր էլեկտրոնային աճուրդով իրացվել է, որի գնորդ է հանդիսացել թիվ ՍԴ/1231/02/20 կատարողական թերթով պահանջատեր՝ «Հայրիզնեսբանկ» ՓԲԸ-ն:

«Հայրիզնեսբանկ» ՓԲԸ-ն 23.11.2022թ-ի թիվ 7318-02 գրությամբ խնդրել է վտարել վերը նշված բնակելի տունը՝ ապօրինի զբաղեցնող պարտապան նախկին սեփականատիրոջից, ինչպես նաև այլ անձանց, որոնց օգտագործման իրավունքը գրանցված չէ օրենքով սահմանված կարգով:

Սահմանված ժամկետում պարտապանները և այլ անձինք որոնց օգտագործման իրավունքը գրանցված չէ օրենքով սահմանված կարգով ինքնակամ չեն ազատել վտարման ենթակա ՀՀ Սյունիքի մարզի, Գորիս քաղաքի Մաշտոցի փողոց թիվ 26 բնակելի տունը /287.7քմ մակերեսով և 0.0468 հա հողամաս/:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 28.1, 43.1 և 64 հոդվածներով

Ո Ր ՈՇ Ե Ց Ի

Վտարել Նոնա Առնոլդի Համբարձումյանին և այլ անձանց ՀՀ Սյունիքի մարզի, Գորիս քաղաքի Մաշտոցի փողոց թիվ 26 բնակելի տնից /287.7քմ մակերես և հողամաս՝ 0.0468 հա /

Հարկադիր վտարման գործողությունների սկիզբ նշանակել 03.05.2024թ-ի ժամը 12:00-ն և այն շարունակել մինչև փաստացի կատարումը:

Որոշման օրինակը ուղարկել կողմերին:

Հարկադիր կատարողի կայացրած որոշումը կարող է բողոքարկվել վերադատության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ վարչական դատարան՝ օրենքով սահմանված ժամկետներում:

«Դատական ակտերի հարկադիր կատարման մասին» ՀՀ օրենքի 28-րդ հոդվածի 5-րդ մասի համաձայն՝ հարկադիր կատարողի որոշման բողոքարկումը չի կասեցնում կատարողական գործողությունները:

ԱՎԱԳ ՀԱՐԿԱԴԻՐ ԿՏԱՐՈՂ

ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ

Գ. ԳՐԻԳՈՐՅԱՆ

